

四庫全書

子部

欽定四庫全書

武經總要前集卷十九

宋 曾公亮等 撰

邊防

益利路

益州今改為成都路

梓夔路

梓州重和元年改為潼川府路

東西川峽路禹貢雍梁荆三州之地而梁州為多天文  
與秦同分春秋楚巴庸夔楚諸國之地後皆屬楚秦之  
漢中蜀郡黔中南郡巴郡皆其境也東至荆峽北控劔

棧西南接羌戎巴蜀廣漢本南夷地沈黎川至生獠吐  
蕃雲安靖江控牂牁夜郎江油陰平扞氏羌之地南溪  
瀘川撫南詔之國其涪渝數州亦有夷人不為邊患而  
施州黔中置義軍士丁防守邊徼此本朝控制之要也

益利路

益州秦漢蜀郡地晉武帝改為成都累朝皆為益州唐  
領西川劍南節度統為結營及松維蓬恭雅黎姚  
悉等八州兵馬天寶中平戎昆明寧遠澄州南江

等六軍陣劔南節度治成都本朝緣唐制節度使  
兼統押近界諸蠻及西山八國雲南安撫制置等  
使其地東至蘭州陽安縣界六十六里西至永康  
軍導江縣八十七里南至陵州籍陽縣界九十二  
里北至漢州雒州界六十七里一路十五州軍印  
威茂黎雅五州西抗吐蕃南撫蠻獠暨雲南諸國  
利州路十一州軍文龍二州捍吐蕃今合二路為  
一置鈐轄以下兵官以益州利州為治所

邛州臨邛郡漢蜀郡故地梁於浦水口立壘柵為城以  
控生獠改曰邛州以南邛來山為名今置一砦守  
之東至夷界百三十里西北至羌戎界百二十里  
西南至羌戎界百三十里以山為界西無郡縣

砦一

平樂砦 在火井界北至縣三十里

黎州洪源郡古邛都國漢置沈黎郡後周破羌夷得此  
土因立黎州長安中割洪源越舊州之陽山置州

取沈黎為名舊領羈縻五十四州

今並荒梗不通

西控吐

蕃南捍蠻界東南至邛州郡蠻十一日程

西南夷之種也

居漢蠻越舊郡地其酋長自稱百郡都鬼王

西至戎州州西南百二十

里渡大渡河出瘴州口清溪關二百三十里至舊

州界又四百九十里至舊州舊州即西南夷也控

須祚之要扼蕃蠻之口共八日程舊州今廢又三

百六十里與南詔分界即雲南國

### 羈縻州五十四

羅巖州

索石州

秦上州

合欽州

劇川州

輒索州

蓬州

柏坡州

博廬州

明川府

胞股州

蓬矢州

大渡州

米川州

大屬州

河東州

諾祚州

甫嵐州

昌明州

歸化州

附樹州

東川州

上貴州

滑川州

北川州

吉川州

南藻州

北地州

蒼榮州

野川州

邛陳州

貴林州

蒙川州

嚴夏州

和良州

和都州

護川州

上欽州

時蓬州

儼馬州

搬查州

邛川州

護邛州

脚川州

開望州

上蓬州

北蓬州

剝重州

久護州

瑤劍州

明昌州

郎郭州

牒綜州

浪弭州

雅州廬山郡嚴道故地後魏因招攜離散僑立廬山郡

唐初立雅州都護府今管羈縻四十六州吐蕃生

獠置五砦守之東至邛州界八十里西南至黎州

百里州西陸行三百六十里蠻界嚴羅州廬山縣

西北六十里章廬山下有石澗三丈長二百步俗



謂之盧門關外硤口即生獠也西北陸行五百七  
十里吐蕃栖鷄城東陸行二百三十里塗州西陸  
行二百三十里悉州南陸行二百六十里至雪嶺  
北陸行九十三里翼州界東南陸行一百六十里  
吐蕃舊界

砦戍五

砦門砦 在嚴道縣界東南至縣八十里

靈門鎮砦 在廬山縣界南至縣八十里四面險峻控

帶蕃界今有土兵鎮守

索經縣砦 在本縣城內有兵馬監押戍守

魚泉戍 在廬山縣界南至縣西四十里接邛州火井

縣

琉璃戍 在廬山縣界南至縣二十里

羈縻州四十六

自羅巖州至州四百八十里

馬當州至羅巖州二百里至州四百七十八里

三井州至羅巖州五里至州四百七十五里  
來鋒州至羅巖州二里至州四百七十八里  
名配州至羅巖州二里至州四百七十七里  
鉗莽州至羅巖州二里至州四百七十八里  
斜恭州至羅巖州五里至州四百七十五里  
畫重州至羅巖州二里至州四百七十八里  
羅林州至羅巖州三百里至州四百七十七里  
龍羊州至羅巖州一里至州四百七十九里

林波州至羅巖州六十里至州四百四十里

林燒州至羅巖州四十里至州四百四十里

龍蓬州至羅巖州四十里至州四百四十里

索古州至羅巖州五十里至州四百三十里

敢川州至羅巖州四十里至州四百四十里

警川州至羅巖州五十里至州四百三十里

禍眉州至羅巖州七十里至州四百四十里

木燭州至羅巖州四十里至州四百四十里

百坡州至羅巖州四十里至州四百四十里

當品州至百坡州五十里至州三百七十五里

嚴城州至百坡州二十里至州二百六十里

中川州至百坡州五里至州三百七十五里

鉗失州至百坡州二十五里至州三百五十五里

昌磊州至百坡州二十五里至州三百六十里

鉗并州至百坡州二十五里至州三百五十五里

林坡州至百坡州三里至州三百七十七里

會野州至百坡州六里至州六百三十里

當仁州至會野州三百里至州六百二十五里

堆梅州至會野州一十里至州六百二十里

作穉州至會野州二十里至州六百二十里

禍林州至會野州一十里至州六百二十里

金林州至會野州四十里至州六百一十里

諾荪州至會野州四十里至州六百一十里

三恭州至會野州五十里至州五百八十里

布嵐州至會野州六十里至州五百七十里  
欠馬州至三恭州五里至州六百二十五里  
羅蓬州至欠馬州一十里至州六百二十里

以上三十七州並管羅巖州會野州路

諭川州至州五百八十里

讓川州至諭川州五里至州五百七十里

遠南州至讓川州二十五里至州五百六十里

卑盧州至夔州二十里至州五百六十里

夔龍州至卑盧州二十里至州五百六十里

耀川州至金川州十五里至州五百六十里

金川州至耀川州十五里至州五百六十里

東嘉梁州至金川州二十里至州五百六十里

西嘉梁州至東嘉梁州十里至州五百六十里

以上九州並管夏陽路

茂州汶山郡漢武置汶山郡梁置繩州取桃關之路以

繩為橋因作州唐置茂州又建都督府管羈縻十



七州東至綿州四百里西至威州二百二十里州  
北陸行百五十里至翼州又二百里至松州又三  
百里至茅州西南陸行三百七十里至塗州州西  
北陸行至吐蕃栖鷄城

羈縻州十七

靜州管部落四百戶去州七十五里

恭州管部落二百戶去州五里

當州管部落五十戶去州六十五里

直州管部落二百二十戶去州三十里

時州管部落一百戶去州六十里

宕州管部落二百七十五戶去州二十里

塗州管部落六十戶去州五里

達州管部落一百戶去州百五十里

松州管部落一百戶去州七十里

飛州管部落二百戶去州三百里

柘州管部落一百戶去州七十里

乾州管部落四百戶去州三百里

悉州管部落三百一十五戶去州二百里

可州管部落二百戶去州五百里

翼州管部落二百戶去州三百里

向州管部落五十戶去州三十里

居州管部落五十戶去州三十里

威州維川郡古徼外羌冉駹之地蜀姜維馬忠討汶山

叛羌即此地也唐武德中白狗羌內附乃于姜維

故城置維州南界江陽岷山連嶺而西不知其極  
北望陽山積雪如玉東望成都若井底一面臨峯  
三面臨江是西蜀控吐蕃之要也唐時吐蕃得之  
號無憂城宣宗收復本朝以羈縻保霸二州隸焉  
景祐初改今名為威州東至塗州三百三十里西  
至悉州二百三十里南至雪嶺二百八十里北至  
蕃界

羈縻州二

保州雪山郡本維州定康縣南至吐蕃為夷落之極塞  
唐開元以來董氏世襲刺史

霸州靜戎郡唐天寶中招慰生羌置郡亦許世襲

利州治綿谷縣本漢中地昔蜀王封弟苴侯命邑曰葭  
萌秦命司馬錯伐蜀出劔閣即此地亦謂石牛道  
東至閬州岐坪縣集州南江縣界三百四十里西  
至文州曲水縣龍州江油縣劔州劔門縣界二百  
八十里南至劔州劔門縣閬州蒼溪縣界一百六

十里北至三泉縣文州曲水縣界三百二十五里  
西南控巴蜀東北接梁陽號為要害唐為都督府  
今為昭武軍節度今置益利路兵馬鈐轄治於益  
州

文州陰平郡古氐羌之地漢開西南夷置陰平道屬武  
都郡西魏置文州西至龍州四百里南至閬州二  
百里東至扶州界一百二十里北至楷州六十五  
里西南陸行六十里扶州界又九十里至扶州又

三百里至松州西北吐蕃界大恭嶺一百二十里  
龍州江油郡漢魏以前為無人之境鄧艾伐蜀由陰平  
道景谷行七百里鑿山通道作橋閣山高谷深至  
為險難艾以氊自裹縛而下將士攀木緣崖魚貫  
而進先登至江油即此地也西魏建州東至利州  
界三百三十里西至松州界二百四十五里接蕃  
部山谷險深不通人行南至綿州界八十五里北  
至文州一百一十五里西三百里至松州西北五

百里至扶州

梓夔路

梓州梓潼郡漢屬廣漢巴西二郡地隋置梓州左帶潼  
水右挾中江居水陸之要東至果州西充縣界二  
百里西至漢州德陽縣界一百五十五里南至普  
州縣界三百三十八里北至劍州普安縣界一百  
六十二里凡統十五州軍戎瀘二州處邊防夔州  
路九州軍施黔二州雲安軍居蠻徼西盡巴夔控



帶夷獠唐置東川節度夔州置團結兵戍守與西  
川節度相倚角本朝合二路為一置鈐轄以下兵  
官遂州夔州為治所兼領施黔思三州緣邊儲砦  
將士丁義軍四千三百二十七人並隸都巡檢司  
慶厯中詔着遷職例自押蕃至軍頭凡七年一轉  
資副都頭至指揮使十年一轉資緣功者不循此  
例功微者但給鹽菜義軍之守邊最為健伉習知  
山川道路每蠻寇至不計遠近掩殺官軍守險策

應而已

戎州南溪郡

政和四年  
改為叙州

古僰侯國也秦惠王破滇池通

五尺道漢武得唐蒙道即于此而破牂牁郎因置

僰道梁置州以鎮戎夷隋移於南溪唐置中都督

府管羈縻州三十鎮東至瀘州三百十里西羈縻

武昌德州二千五百七里南至馬湖江羈縻武昌

德州界二千三百一十七里北至榮州公井縣界

三百四十五里西至馬湖江千里又至石門鎮三

百里協州四百里至南詔國所居陽苴咩城二千  
三百里置一砦控其要

縣砦一

南溪縣砦 漢南廣縣地控生獠後周置南武戍隋改  
今名東至瀘州江安縣南至涪井鹽界三十五里  
西至青衣江西岸界並夷獠所居南至瀘州江安  
縣界十五里北至瀘州江安縣界二十五里

瀘州瀘川郡梁置州取瀘水為名唐開山洞置羈縻州

十三並屬瀘川郡都督後又益五州管夷人丁口  
十萬今東至渝州江津縣界三百三里西至戎州  
南溪縣界一百八十里南至納州五百二十七里  
北至昌州永川縣界八十五里

戎州西二十里渡江即至納溪口水

路自生戶夷人界入烏蠻路

置砦四控其要真宗朝夷獠叛詔

曰瀘州三月即苦瘴毒蠻人候拒可量差戍兵守  
其要害之地以防之

### 鹽縣砦四

涓井鹽 西控悅江口隋富世縣地有鹽井人獲厚利  
號玉女泉故名富世今升為鹽控夷獠之要衝也  
水路至州九日程鹽城舊無濠塹祥符中巡檢王  
懷信發兵浚濠築城捍近界夷人東戎州百里悅  
江口至蠻界悅州西烏蠻界南晏州界

江安縣 漢江陽縣地隋改令名天禧中為戎瀘資榮  
都巡檢屯所夷獠警擾便於應援縣東南自納州  
溪水至烏蠻界

合江縣

漢江符縣地晉置安樂縣周改今名當綿水

大江之名口在涇水之南

三江砦 西北至州陸路三日程水陸五日程自江路入黔南至涓井鹽三十里

烏蠻姚州戎瀘州界唐武德後開拓山洞置四十八州  
安輯夷獠迄今許世襲通時貢或臣或否羈縻而  
已隸戎州者三十隸瀘州者十八本朝慶厯中烏  
蠻王得蓋自言十年彈壓人不入漢界為功因乞

州名符命詔名姚州即雲南國之地也

戎州羈縻州三十

連州在戎州西南九百二十七里從均州析出

南州在戎州西五百四十五里從盈州析出

德州在戎州南五百六十四里從志州析出

為州在戎州南四百九十里從扶德州析出

洛州在戎州南四百二十里從昭州析出

移州在戎州西南五百八十七里從悅州析出

昭州在戎州南三百九十六里

筠州在戎州南四百一十七里

志州在戎州西四百五十六里

盈州在戎州西五百五十七里

獻州在戎州南六百六里

武昌州在戎州南二千二百一十七里

扶德州在戎州東南四百五十七里

播節州在戎州南二百八十七里從瀘州析出



商州在戎州西北七百九十三里

馴州在戎州西北七百九十三里

浪川州在戎州西一千三百四十里

騁州在戎州西一千三百二里

協州在戎州西南八百里

靖州在戎州西南五百一十里

曲州在戎州西南九百里

播陵州在戎州南五百七十七里

鉗州在戎州西南四百五十七里

哥靈州在戎州西南一千四百里

切騎州在戎州西四千一百里

品州在戎州西北二千三百九十五里

從州在戎州西南二千六百四十二里

柯連州在戎州南九百里

碾衝州在戎州西南九百九十七里

高州在戎州南九百一十二里

瀘州羈縻州十八

納州北自納溪口至瀘州三百五十里以施池水為界  
唐儀鳳中開山洞置天寶中改都寧郡乾元中復  
為納州

薛州在瀘州西南七百六十里北涪井鹽唐儀鳳中招  
生獠置天寶中改為黃池郡乾元中復為薛州管  
山後夷人丁口五萬

晏州在瀘州東南五百三十里北涪井鹽唐與薛州同

置天寶中初為羅陽郡乾元初為晏州繫州前管  
六縣夷人丁口三萬

鞏州在瀘州西南六百里西北洧井鹽唐儀鳳中開山  
洞置天寶初改為因忠郡乾元初中為鞏州管山  
後夷人丁口一萬

奉州在瀘州西南七百里北洧井鹽唐儀鳳中置管山  
後夷人丁口三千

悅州州之東有三路一入洧井鹽甚平易一自峽口路

至涪井鹽險隘一自悅江口水路入瀘州管山前  
夷人丁口萬人

思義州在瀘州東南四百五十里東至涪井鹽西南至  
戎州南溪縣界唐天授中置管山前夷人丁口八  
千

長寧州在瀘州西南五百里

涪州在瀘州西南四百五十里唐天授中置涪川縣管  
山前夷人丁口六百

能州唐天定中置

浙州唐儀鳳中置理浙原縣管山前夷人丁口六百

定州在瀘州西南七百六十里本涪州新定縣地分置

州管山後夷人丁口五百

宋州在瀘州東南三百五十里

順州在瀘州東南四百五十里唐載初中置理曲中縣

管夷人丁口萬人

藍州在瀘州東南六百里

溱州唐貞觀中置

高州在瀘州西南七百八十里

姚州在消井鹽三十日程漢武帝開西南夷置益州部

永昌郡雲南郡屬邑也蜀諸葛亮南伐五月渡瀘

深入不毛即此地遂置雲南郡居弄棟川天寶中

蠻王閣羅鳳弗恭以鮮于仲通將兵十萬討之大

為所敗韋皋鎮蜀兼雲南招撫大使冊為南詔是

也厥後或臣或否西南夷中最大者今僑立姚州

命得蓋領之

夔州雲安郡古巴郡地也晉置三巴都尉綏靜蠻寇隋  
立夔州總管府州城臨大江之險據三峽上游今  
東至歸州三百四十里西至雲安軍界一百二十  
里南至施州界五百里北至大寧監界六十二里  
為寧江軍節度置梓州夔路兵馬鈐轄以梓州為  
治所置五砦守其要

砦五



茆田砦 黃連砦 土場砦 石門隘砦

支隴呼石砦砦

以上並在蜀江南岸

施州清江郡古巴郡之境唐置施州雜夷落土俗輕悍  
今管羈縻等五州時通朝貢置十二砦守之管義  
軍士丁砦將一千二百餘人東至峽州界三百一  
十里西至萬州界二百二十里南至高州界三百  
一十五里北至夔州界一百一里西北至夔州界

一百三十里西南至黔州界一百三十六里東南  
至澧州界二百四十七里又自雉子巖小路至澧  
州慈利縣界東北陸行五百五十里至叙州南三  
百四十里至高州

砦十二

寧邊砦 舊名暗利天聖中賜今名北至州三百里西  
至五路溪口八蠻界約五十里南至安化州蠻界  
連天砦 西至州四百五十里東南羅大砦松木隘曲

木隘入溪洞懿州路南至蠻界二十里又三十里  
至順州

尖木砦 東北至州二百里七日程砦城咸平中置初  
高州蠻人抄掠漢界乃置砦守之溪洞帖息

永寧砦 東北至州二百六十里

靜邊砦 東北至州二百五十里七日程南順州西尖  
木砦十五里

施度砦 北至州二百二十五里西南歌羅砦

永興砦 南控五路溪口入天賜州界控蠻夷五路溪

口北至州二百六十里

歌羅砦 東至施度砦十五里西南至永寧砦西北至

州二百四十五里

細砂砦 北至州二百八十五里

太平砦 北至州一百三十二里

羅大砦 在建始縣界北至縣四百七十三里

支土隘 在建始縣界北至界二百七十里

羈縻州五

咸平中轉運使丁謂招撫蠻人每有誠諭並令歃血為盟置鐵柱以誌其事條制甚多蠻酋三十人悉補砦將西高州夜郎郡古山獠夜郎國之地漢牂牁都尉居之唐蒙自犍道抵牂牁江即此地舊名珍州蠻酋田氏世襲乾德中改今名北至尖木砦五日程祥符初五團蠻嘯聚攻高州欲令暗砦出兵援之真宗以蠻夷相攻不許

富州蠻酋向氏世襲刺史天禧初向通漢來朝官至五溪十洞都防禦使

順州 奉化州 天賜州

黔州治彭水縣古蠻夷地春秋庸人率羣蠻叛即其地秦置黔中郡五溪蠻之西界也五溪謂酉辰巫武沅也永嘉後沒入蠻夷二百五十年偽蜀移黔南

寄治涪州本朝理黔州管黔內思南費溱夷播六

州 東與施溪錦將五州隔一高嶺其西南榛高州與瀘州接境

又有羈縻州數

十其十州有名得通朝貢並夷獠部落置砦三十  
二守之管土軍三千四百人東至南州四百里西  
至涪州界四百四十里南至夷州界五百九十一  
里北至忠州二百四十三里西北至涪州界四十  
二里東南至思州界二百二十里西南行二十九  
日至南寧州接雲南昆明部落

黔江縣管砦二十九

白石砦 在縣東一程併與洛長至兩砦為一砦把扼

馬欄砦 在縣東一程半

白水砦 在縣西四程

佐水砦 在縣東二程併合蓬重王兩砦為一砦把扼

永安砦 在縣東三程明道中重修

安樂砦 在縣東三程

雙洪砦 在縣東四程

山村砦 在縣東二程

鹿角砦 在縣東七程



社營砦 在縣東四程

茆田砦 在縣東四程

吉水砦 在縣東五程

蠻冢砦 在縣東五程

木欄砦 在縣東一程

洛水砦 在縣東六程

潛魚砦 在縣東七程

虎眼砦 在縣東三程

木孔砦 在縣東一程

六堡砦 在縣東北一程

相陽砦 在縣東三程祥符中重立有砦主以管軍兼

土丁守把

土溪砦 在縣東北一程

東流砦 在縣東北兩程

李昌砦 在縣東北一程

石柱砦 在縣東南一程

高望砦 在縣東南一程

石門砦 在縣東南一程

萬就砦 在縣東南一程

小溪砦 在縣東南五程

僕財砦 在縣東南二程

彭水縣管砦三

雜溪砦 在縣東三程

小洞野漆橋隘砦 在縣東三程

界山砦 在縣東四程

羈縻州西南漢牂牁郡地唐置費珍莊琰播郎牂牁夷等諸州今謂之黔內者六謂之羈縻者十皆以黔州控扼之其領郡者或以土豪或補以牙職而一方帖然此本朝規制之得也

黔內州六

思南費溱以黔州牙職典州事租稅貢奉夷播二州土人世襲

思州隋巴東之務州縣也唐置務州改為思州當牂牁  
要路以招慰生獠西北至州三百五十里管義軍  
一千四百二十二人

南州南川郡木剌溪生獠唐招慰之以置郡尤為高險  
東至渝州西至黔州四百里南至濠州三百五十  
里東北自合龍川路至州千里

費州涪州郡因費水為名隋志曰九邱之外有費州是  
也唐貞觀中分黔州涪州縣置州招慰生獠州之

南即廣南溪洞界西入西南番路北至州七百五十里

溱州溱溪郡即唐初開拓南蠻因置州即夜郎地東至州五百五十里東至州水路千一百里西至瀘州七百六十里西南興元府城固縣界

夷州綏陽郡本牂牁地荊州之外歷代不臣附隋置夜州唐置夷州于寧夷縣領夜郎等縣古徼外蠻夷也

播州播川郡即秦夜郎苴蘭二郡西南隅之地貞觀中  
置郡于播川東北至州八百一十里

羈縻州十

充州夜郎侯邑也牂牁八郡在夜郎之西司馬相如開  
之至牂牁州百五十里

牂州牂牁郡五代志曰牂牁之地宜州之西陸行四十  
五日程東辰州二十四百里南交州一十五百里  
西昆明九百里無城郭散居村落稻皆熟征戰時

乃相聚

莊州楚威王時莊躋將甲士入牂牁地討平之置州以  
莊為名

蔣州龍溪郡至牂牁百里又五十里至健州

健州東北至牂牁州百里西南至莊州五十里又百里

至桂蒲關

南寧州本清溪鎮東北至黔州二十九日程西南八日

程至羅殿王部落接雲南界地出名馬產寶貨隋



嘗令史萬歲討平之

琬州 清州 矩州 蠻州

雲安軍軍城漢胸臆縣地今縣西萬戶故城是也有鹽井之利蠻夷雜居本朝始建為軍置三砦守之東至夔州百三十里西至萬州百四十二里南至施州二百七十里北至大寧監四百三十六里蜀江水路東入夔州界一十八里西入萬州界六十里


砦三

思問砦 在縣南二百里

南平砦 在縣南二百里

投文砦 在縣南一百里

以上並本朝咸平置



武經總要前集卷十九

欽定四庫全書

子部

武經總要前集卷二十

詳校官中書臣閔思毅

編修臣倉聖脈覆勛

總校官知縣臣繆琪

校對官中書臣牛稔文

謄錄監生臣劉禮

欽定四庫全書

武經總要前集卷三十

宋

曾公亮等撰

邊防

荆湖北路 荆湖南路

廣南東路

廣南西路

荆湖兩路皆天文張翼軫之分春秋楚地秦之長沙黔  
中南郡悉其郡境東界鄂渚西接溪洞南抵五嶺北連

漢沔其人多勁悍忿決勇於私鬪自南郡夷陵瀘溪辰陽諸郡兼雜蠻夷散處山谷其外又有羈縻州縣歲時修貢間侵邊境朝廷據要害戍守凡典城領兵馬者並擇武幹以充其任其澧辰峽澤金邵永州仍募土丁置砦將與官軍雜戍界上

荆湖北路

江陵府南郡禹貢之荊州漢初領南蠻校尉晉為南平郡居江左上流外控蠻蠻土地遼寬至南朝皆擇

重臣守之唐初為都總管府上元中加荆南節度  
領澧鼎峽夔思萬等州本朝改今名其地東至復  
州二百二十里東北至荆門州軍百九十里西至  
峽州三百五十里南至澧州二百七十里今置荆  
湖北路兵馬都鈐轄以下兵官領鄂金辰鼎等十  
三州軍以府為治所其捍邊寇者澧鼎而下五州  
馬本路置兵及朝廷遣禁旅戍外又領義軍土  
丁一萬九千四百六十三人

澧州天門郡漢屬荊州吳分武陵西界立郡曰天門隋  
改為澧州在澧水之北今與辰鼎二州並為極邊  
分控羈縻州數十州境置十砦東至岳州水路七  
百里西至蠻界溪州水陸一千里南至鼎州一百  
八十里西南至辰州六百七十里北至江陵府三  
百里

砦十

伏求砦 舊城砦也東至州九十里咸平中置



石門縣砦 漢屬武陵郡吳為天馬郡隋平陳為石門

縣本朝咸平中置砦東至州百里南慈利砦

慈利縣砦 漢零陽縣隋改今名天禧中置砦東至州

水行二百四十六里西至武口砦接黔州界十餘

里南至辰州辰陽縣界三百三十里東北靈溪砦

靈溪砦 捍高州蠻界咸平中置西北慈利砦北石門

砦

臺宜砦 舊砦也天聖中移置東至州水路四百七里

七日程

索口砦 天禧中置在慈利縣境東至六日程東北臺  
宜砦 西南西牛砦南澧川砦西北安福砦

澧川砦 祥符中置在慈利界正控溪洞之口東至州  
九日程

西牛砦 天禧中置東至州十日程

武口砦 在慈利縣界正控溪洞與澧川砦同置東至  
州十日程西東下溪州二百三十里西接高州茨

桐界砦城三面控武溪口

安福砦 天禧中置深在蠻境控沒底溪惡石溪二水

東至州十四日程東南索口砦東北施州羅大砦

鼎州武陵郡

隆興二年升  
為常德府

秦使白起畧取蠻夷置黔中

郡後司馬錯立城據此以扼五溪之要有壺頭山

天門山後漢五陵蠻叛伏波將軍討破於臨沅即

此地隋置郎州本朝改今名東至岳州華容縣界

三百五十里西至辰州辰陽縣界二百四十六里

南至潭州益陽縣界一百六十五里北至澧州澧  
縣界九十里管砦四

砦四

董石砦 東南至州一百二十里

白塽砦 東南至州一百七十里

湯口砦 東南至州二百二十里

桃源砦 砦城本武陵縣地乾道中析其西境置以兵

戍之東至州六十里

溪洞州在辰鼎澧三州之界外皆盤瓠遺種世為邊寇  
討之則負固自守事久則勞人煩費故前代皆烏  
獸畜之款附則受而不逆反叛則棄而不追唐季  
承亂遂自立州縣建為刺史晉天福中馬希範守  
湖南溪州酋彭士熊等以溪錦蔣三州歸馬氏立  
桐柱為界本朝因而撫之太宗時溪錦叙富四州  
蠻相率詣辰州願比內郡民輸租稅詔本道案山  
川地形以圖來獻卒不許之此聖王深維遠覽之

至也惟設溪洞諸州賜以印綬羈縻不絕故屯戍之兵差減前世今管溪洞南北西江五十六州

北江州三十六

上溪州古靈溪郡分辰州大鄉縣置州東至辰州三百六十里西至黔南五百里南至綿州五百六十里下溪州自澧州武口砦過生羊峽設木梯到馬駝嶺渡江至州天禧中知辰州錢絳領兵至城下焚其砦

柵

忠彭州

來化州

南州

謂州

永順州

溪寧州

感化州

溶州

狹州

慶曆中改為賜州

溪監州

新府州

有城郭

永州

順州

保信州

古州

萬州

遠州

費州

慶曆中改為天賜州東至蔣州六百里

奉州

襄州

許賜州

越州

寧化州

向化州

歸明州

新定州

歸信州

保安州

順現州

保福州

永安州

新化州

遠富州

新賜州

南江州二十

富州刺史並兼都巡檢使因本州向通漢上言五溪十洞控西夷之地為辰州牆壁故加是名天禧中求納土疆不許

懿州湖南馬希範以叙州潭陽縣為州古州也

叙州秦為黔中漢武陽地在武水之陽唐貞觀中分辰州龍標縣置巫州東至辰州五百三十里南至融



州一千五百里西至古州二千一百里北至辰州

五百里

元州

鶴州

今為西  
高州

雲州

硤州

黔州

衡州

繡州

波州

顯州

晃州

獎州盧陽郡唐垂拱中分麻陽縣并開山洞置州西至

費州六百里龍溪郡北至錦州一百五十里

錦州東至辰州三百五十里唐垂拱分辰州開山洞於

麻陽縣界置州北至溪州五百六十里

保勝州

允州

冷州

錦州

辰州治沅陵縣古蠻夷地秦置黔中郡漢曰辰陽在辰

水之陽縣西故城是也馬援征蠻壺頭山頭度舊

至臨沅即此地唐初為辰州尋升都督府又為盧

溪郡在牂牁東界置十九砦控之守郡者兼溪洞

巡檢使東至鼎州四百六十里南邵州界五百二

十里西南至溪州三百八十里

自石門洞  
緣茵水行

西南至

叙州三百二十里

按皇華四達記二百四十里即  
十里叙州界又一百二十里至

獎州又一百八十里至九州又百里至牂  
州又五十里至侯州又五十里至吐州

北至澧

州七百五十里西北溪州百八十八里

### 砦十九

盧溪砦 在州西南一百三十里招諭縣北盧溪縣口

因縣城置砦縣西有武陵水路入蠻界祥符中轉

運使言盧溪慢水等砦最為衝要只以木為砦城

因請版築從之舊有石洞砦深在蠻界不當要路

無所控扼遂毀有事許馳報廬南溪砦

慢水砦 在州東三百里

叙浦砦 漢義陽縣也因縣城置砦控叙浦江口北至

州西南至富州界

新興砦 在州北百里西北至下溪界自深源水路入

招諭砦 因縣城為砦下枕辰溪在州西南一百四十

里西麻陽縣砦東麻陽砦南龍門砦北狹獠洞

西溪砦 在州西七十里西北狹獠洞北盧溪界狹獠

團至盤瓠崖

落鶴砦 在州西北五十里西盧溪界入經團又西至

狷獠洞

東亭砦 在州東三百里控東亭溪口

江口砦 在西南招諭砦南龍葦洞砦城三面控溪水  
口以盧溪砦主領之

鳥速砦 在前西北五十里南鳥速洞口北落鶴砦城  
在西溪上

黔陽砦 在州西六十里西南溪堡蠻砦城控黔溪西  
溪二口

銅安砦 在州西南二百五十里東富州桃溪路西富  
峽三川界

麻陽砦 東招諭縣西北錦州以縣城為之控馬爺溪  
一路蠻洞

龍門砦 在州西南二百八十里東大苗洞西富州界  
驪子砦 在州六十里北溪州界砦城居西溪上

詩水砦

招人砦 在州東北二百五十里

黃頭砦 在州東北四十里

金溪砦 在州西北五十里

峽州治夷陵縣漢屬南郡有夷陵山在西北因以為名

控川峽水路頗為險要孫權時尤重號為西門唐

武德中置州治抗故壘其地兼扼蠻獠置八砦守

之東至江陵三百五十里西至歸州二百里南至

江陵府水路三百三十里北至襄州五百七十里  
西南至施州七百里

砦八

新安砦 在州西南一百六十里

長陽砦 在州西九十里

麻溪砦 在州西一百三十五里

漢流砦 在州西南二百二十里

巴上砦 在州西南一百八十里



長樂砦 在州西南二百二十里

魚羊砦 在州西南三百一十七里

梅子亞砦 在州西南三百四十里

荆湖南路

潭州長沙郡古三苗國秦置長沙郡以統相川南通嶺  
嶠控帶溪洞歷代號為重鎮隋建州唐初為都督  
府尋置觀察團練使督湘中七都本朝領武安節  
度其地東至袁州界二百五十里北至岳州二百

七十里南至邵州四百七十里西至鼎州三百七  
十里南至衡州五百里今置荆湖南路兵馬鈐轄  
以下兵官州為治所領八州監其捍溪洞者譚及  
全邵衡永道桂陽而已凡朝廷置州兵及遣兵更  
戍外更領土軍弩手義軍土丁五千一百五十八  
人

砦一

寧鄉縣七星砦 在寧鄉地控梅山洞口太平興國中

置以制蠻獠

全州治清湘縣南扼邕桂之路晉天福中馬希範奏置  
州西帶溪洞設峽口七砦禦之管土丁弩手四百  
人咸平中知州錢絳請招誘溪洞酋豪真宗曰西  
南蠻惟全州一境久已安靜不必以虛名生事不  
許東至永州百三十里西至桂州二百五十里西  
南溪洞至叙州水陸六百八十里北至邵州三百  
三十里

砦七

全西溪洞有栗氏率常殺掠吏民雍熙中置五砦禦之不能止知州柳開遺以衣帽等物招諭栗氏五酋長俱出聽命皆補全州上命作時鑑一篇刻石誡之至今服從

峽口砦 在羊狀洞口東至州三十里

香煙砦 南至祿唐砦三十五里北至石家源五里

羊狀砦 南至峽口砦二十里西南至小洞二十里

磨石砦 南至桂州大同府十五里北至護源砦四十

里

護源砦 南至磨石砦四十里北至峽砦四十里

長烏砦 南至峽口砦四十里北至香煙砦四十五里

祿塘砦 南至長烏砦十里北至香煙砦三十五里七

砦之外又有洞源路口十六皆夷獠出入路界故

以諸砦兵遊徼遣土兵丁弓弩手防扼之

大藏源口 南至香煙砦五里北過山嶺通永州垣源

砦

石家源口

西入洞路通卽武州崗縣南至香煙砦五

里

橫溪源口

南至祿塘砦三十里北至香煙砦五里

紫溪源口

南至祿塘砦三十五里北至香煙砦十里

古母洞口

南至祿塘砦十五里北至香煙砦二十里

哥洞口

南至長烏砦十五里北至香煙砦三十里

雄江源口

東至長烏砦五里北至祿塘砦十五里

栗村源口

南至峽口砦二十里北至長烏砦二十里

驛馬源口

南至郎源口五里在羊狀砦背山外

郎源口

南至羊狀砦三里北至驛馬源五里

包源口

東北至羊狀砦二十里

高良源口

南至獲源砦二十里北至峽口砦二十里

獲源洞口

東至獲源砦五里南至耿峽源十里

耿峽源口

南至北石砦三里北至獲源砦十里

西廷洞口

入洞西北陽田黃沙鎮約八十里又至大

木砦約三十五里又至官洞約二十里並山溪路  
孤留洞口 南至桂州界十五里北至磨石砦五里

邵州治邵陽縣吳分零陵郡北部立邵陵兼置郡以理  
之湘南有梅山洞連數州界開寶中江左用兵乘  
間寇武山岡暨太宗初年鈔盜不止命將討平置  
十五砦守之管土丁弩手一千三百二十四人東  
至潭州五百三十五里西至蠻界誠州一千一十  
里南至永州二百六十里北至辰州六百五十里



砦十五

武崗縣砦 即舊城置砦控海山洞口開寶太平興國

中梅山洞左甲首右甲首寇砦城發潭州兵平之

真田砦 在州西北一百五十里

白沙砦 在州北一百二十五里

水竹砦 在州北一百一十五里

界崗砦 在州東北八十里

玉堂砦 在武崗縣界北至縣九十里

羅尾砦 在武崗縣界北至縣一百一十五里

盆溪砦 在武崗縣界北東至縣五十里

塘兒砦 在武崗縣界東至縣六十五里

古隈砦 在武崗縣界東至縣五十五里

查木砦 在武崗縣界東至縣六十五里

新興砦 在武崗縣界南至縣五十五里

安定砦 在武崗縣界南至縣七十里

三門砦 在武崗縣界南至縣一百四十里

峽口砦 在武岡縣界南至縣九十里

永州零陵郡戰國時楚之南境後漢書云地多下濕築  
土城多壞編木以為城唐初置州去湘水八里控  
溪洞之要置三砦守之管土丁二千六百二十人  
東至桂陽監一百二十里至邵州一百六十里南  
至道州百五十里北至衡州百三十里

砦三

東安砦 在東安縣界三十里五代馬氏置東安場本

朝升為縣天聖中置砦

零陵縣砦 即今零陵縣也去州一百里天聖中置

樂山砦 在祁陽縣地名樂山鎮控鎮方山徭賊來路

衡州衡陽郡隋置以衡山為名東至吉州永新縣界三

百里西至邵州邵陽縣界一百三十里南至桂陽

縣界一百九十里北至潭州湘陽縣界九十二里

蠻徭錯居山谷間慶厯中置二砦控之

砦二

懷遠砦 在常寧山中央控漿中白水洞蠻獠嘯聚之所接衡道永三州桂陽監界慶厯中度地形便利剗山為城又控太平浮竹等九洞詔以懷遠為名至衡州常寧縣一日程

泉石砦 在常寧縣地慶厯中築地名泉水嶺山林延袤數百里接衡水道桂陽監九疑山衡山界舊皆山獠耕鑿自給近與亡命嘯聚因討平建砦與冷水源大泉觀村樂山砦分控山之口

道州江華郡春秋楚地秦漢以下或隸長沙或入荊州  
唐為道州地與溪洞相接東至桂陽監一百四十  
四里西至昭州三百一十里南至賀州二百五十  
里北至永州一百五十里

砦二

泠石源砦 在區分容泠石泉

桂陽監漢為桂陽郡

今為桂陽軍

在桂陽洞之南唐桂陽監

地與溪洞相接東至柳州六十五里南至連州二

百三十里西至道州百七十里北至衡州三百里

砦一

大泉觀砦 在平陽縣地名大泉觀村控安樂佛節大  
泉羅塘四山口

廣南路

廣南東西路本荆揚二州之城天文牽牛織女之分春  
秋百粵地後屬楚秦取百粵增置南海桂林象郡自漢  
武破滅南粵入海得大州分置諸郡皆其地也東南濱

大海西控夷洞北限五嶺人性輕悍好相標殺多結讐  
怨漢世朱崖數反叛朝議棄之唐置五管屯兵命使領  
之故嶺南經畧使綏靜夷獠統經界清海二軍桂容邕  
南四經界使以重其備禦唐末曲承美據交趾劉隱據  
南海本朝平盪僭竊始復被聲教迄今並建四鎮以為  
禦之諸州自內遣戍兵外又置澄海戰兵而儋崖萬安  
州地狹戶少常以瓊管牙校典治安南數郡土壤遐僻  
山海深險尤多瘴毒故但羈縻不絕而已



廣南東路

廣州南海郡即古百粵也皆蠻蜃所居自漢以後入為  
郡縣唐為清海軍節度本朝平劉鋹復建方鎮為  
一都會提舉十六州兵甲盜賊控海外諸國有市  
舶之利蕃漢雜處命王師出戍置巡海水師營壘  
在海東西二口濶二百八十丈至屯門山二百里  
治船魚入海戰艦其地東南至大海四十里東至  
惠州四百二十里西至端州二百四十里南至恩

州七百五十里北至韶州二百五十里東南海路  
四百里至屯門山二十里皆水淺日可行五十里  
計二百里從屯門山用東風西南行七日至九乳  
螺州又三日至不勞山

在螺州國界

又南三百里至陵

山東

有甜水

其西南至大食佛師子天竺諸國不可

計程太平興國中朝廷遣三將兵伐交州由此州  
水路進師今置廣南東路兵馬鈐轄以州為治所

廣南西路

桂州始安郡

紹興三年升為靜江府

秦桂林郡唐置總管府尋為

都督府又領桂管經畧軍使乾元中為桂州東至

韶州二百六十里西至柳州四百七十里南至蒙

州三百四十六里北至全州二百五十二里本朝

為靜江軍節度本路置兵馬鈐轄以州為治所領

二十九州其宜融二州西捍蠻徼邕欽廉三州南

控交趾雷容二州控海路瓊州臨制海外焉

宜州龍水郡唐乾封中以桂管溪洞地置宜州控交趾

昆明等十五部嶺南要害今置五砦控守管羈縻  
十八州知軍州者兼領溪洞巡檢使淳化中朝廷  
又以琳州為懷遠軍環州鎮寧州金城州智州並  
立城砦加兵戍守或置以牙職焉其地東至柳州  
三百里西北至大山無徑路西南至丹州三百里  
南至忻州百里北至融州羅城縣界六十五里  
砦五

天河砦 南至州百里北融州安箱砦西德謹砦西北

控安化州蠻界

思立砦 東至州七十五里西環州七十五里南懷安  
軍北安化州化遐鎮

普義砦 東至州一百八十五里西富人監北安化州  
帶溪砦 東至州一百七十里西北鎮寧州北安化州  
南環州

德謹砦 東至州百五十里西南思立砦西安化州

羈縻州十八

州境悉蠻夷故地西南昆明羅殿王國北牂牁部落自餘溪洞綿亘十餘里風壤溫濕加之瘴癘即其土人建立郡縣有時貢無地租領州者多許夷人世襲

芝忻州唐忻城郡地水土最遠惡在州南一百四十二里東至迷昆州界二十里西至紆州界二十五里南至賓州十五里東至象州界三十里西至芝忻州界十五里南至國恩州七十里北至象州界六十五里

歸恩州 在州南二百五十里東至柳州界十五里西

至紆州界二十五里南至象州界三十五里北至  
柳州界二十五里

蕃州 在州西南四十五里東至龍水縣界一十里西  
至龍水縣界二十里南至芝忻州界十五里北至  
龍水縣界一十里

述昆州 在州西南一百二十二里東至龍水縣三十  
八里西至智州界二百里南至富安監界三十里

北至金城州界一百一十里

環州唐貞觀中李洪節開拓生獠置州以環國為名在  
州西一百三十五里東至懷遠軍界五十二里北  
至金城州界三十里南至懷遠軍界六十里北至  
安化軍一百餘里

鎮寧州 在州二百二十一里東至懷州界六十里西  
至山無路南亦無路西南界一百里

金城州 在州西一百六十里東至懷安軍界二十七



里西至智州界十三里南至迷昆州界三十里北至懷州界五十里

智州 在州西二百一十五里東至金城州界四十二里西至富仁監界七十五里界南至迷昆州三十里北至金州城界八里

文州 在州西七百二十里

蘭州 在州西六百五十里

安化州 在州西北百八十里本撫水州唐隸黔南在

宜州南有四縣曰撫水京水多逢古勞保聚山險  
祥符中屢為抄寇朝廷以蠻夷異類攻剽不足以  
勦絕又以其道隘險難進師第令因而撫之宣言  
其兵過惡嶺入黃泥嶺賊依篁竹間時出戰鬪遂  
破之焚其廬舍皆面縛詣軍願遷漢地者七百餘  
口分置廣西荆湖間改為安化州撫其餘種今蠻  
分為上中下三州

南丹州溪洞之別種也與管下金州接界太宗朝以蠻

夷之俗羈縻而已許世襲知州莫進巡者祥符中  
因撫水蠻反詔進巡約勒溪洞不從誘脅明年平  
撫水州並以勞進秩

泉州溫泉郡秦留郡地今以牙職領之西北至州百里  
思順州西北至州九十里嘗以蠻首主之

懷遠州在州西三十二里本溪洞林州控龍江水口天  
聖中移置西至金城州一百三十里南濟江至述  
昆州六十里東至州三十二里

富安監在州西二百九十五里東至三寶山一里西至  
文州界清水界五里南至智州富力縣界五里北  
至南丹州白坑二里

融州融水郡在牂牁東南隋始安郡之義熙縣也唐初  
平蕭銑置州地控溪洞置三砦以兵戍之東至柳  
州落容縣界三百一十里西至宜州東零縣界二  
百里南至柳州柳城縣界一百七十九里西北至  
古州水路八百里南至宜州三百五十里北至叙

州一千六百里

砦三

安廂砦 東至州百二十里南陸路至宜州天河砦北  
陸路至安化州界本武陽郡地淳化中析為安廂  
砦景德中置接安化一帶蠻界東北武陽郡砦  
樂善砦 即古牂牁縣地東至州西南安化西北控安  
化一帶蠻界

武陽砦

邕州永寧郡古駱越州地北有鬱江出牂牁唐初為邕  
州都督府長慶後刺史充邕管經畧使咸通中分  
置嶺南西道節度本朝建武軍節度東至橫州永  
定縣二百九十二里水路至溪洞蠻州三百四十  
里西至田州六百四十里南至瀼州二百八十里  
北至澄州二百七十里南至交州界七百里舊至  
交趾水路隘險巨石梗塗高駢在安南鑿開迄今  
舟楫無滯東南至欽州界三百三十里西北至恩

州二百七十里嶺嶠之外土地遼曠管左右西江  
羈縻州縣洞摠三十六南控交趾治甲洞夷人西  
至馬援銅柱南蠻界盡西南要害之地置四砦守  
之今知州兼溪洞都巡檢提舉七州兵甲賊盜

砦四

太平砦 在左江南岸南控思藍蠻洞右江地分東至  
州十日程西廣源州二日程西南門外州水口南  
樽洞一日程西北平州北砦西州界

遷龍砦 控武盈洞一帶蠻界東至州四百程西思明  
州北江州南至思州接欽州抵掉鋪入交趾蘇武  
州界並一日程

永平砦 東至州西南交趾甲洞丹波界並一日程  
南平砦 東至州西南交趾十二程西至平州西南徼  
外洞蠻溪界

羈縻州三十

州境跨邕州三面分左右江皆蠻夷所居太平興國中



左江十溪洞首領獻款內附因隸入邕州其地烏許蠻之舊最難服屬朝廷得控禦之策惟城要害置屯戍來則通之去則備之羈縻而已故不為邊患焉

鶴州南至州九日程本洞監州本朝太平興國中改為

### 鶴州今廢

思成州南至州八日程

祿州東北至州十一程東南至交趾蘇武州南丹波蠻

界西甲洞蠻界正西微南至銅柱界端拱中交州

所管蘇武州以鄉兵五千寇祿州擊退

武籠州東南至州十日程

田州東南至州五百五十一程東至橫山砦東南古甑

洞西北徼外擁鵝洞蠻界

思恩州東南至州六百里

思陵州東南至州九日程

萬承州東南至州六日程

左州東南至州九日程

凍州北徼外推鵝洞東南至州十二程

龍州貞觀十二年清平公李節招慰生蠻置州南古甌  
洞東南至州十日程北古甌洞都控洞西羅緋洞  
波州東南至州六日程北若洞龍英洞畢寧洞

西平州東南至州十二日程東南至平故砦西北門州  
水口北至七源州南至甲洞蠻夷界

上凍州南下凍州北至武德洞接外界廣源州及銅柱  
界東南至州十三日程

武義州今邕州武緣縣地天寶年改為武義州

忠州東至州三日程

右西州東至州八日程

廣源州東北至州四日程

上恩州東北至州四日程

昆明州東北至州七日程

歸思州

思明州至州七日程

歸樂州

蕃州

萬德州

富勞州舊田州管下

婪鳳州舊田州管下

功饒州舊田州管下

七源州東至州十二日程太平興國中率十洞首領內

附輸稅授官爵

蘇武州東北至州十三日程南至海北古萬洞西北祿  
州西丹波東伏侶洞州之間又有十七洞一曰龍  
英二曰寧畢三曰都控四曰門增五曰聳洞六曰  
武德七曰羅緋八曰武盈九曰古甌十曰罇洞十  
一曰憑祥十二曰萬古十三曰思藍十四曰伏侶  
十五曰卓洞十六曰古甌十七曰擁鵝

交趾路自州西南陸行取馬援路至灤州二百七十里  
又二百四里至祿州又二百里至交州天寶以陸

行凡二十驛一說南渡鬱江西南行經羈縻五州  
至交州約六百里安南城西至愛州界小黃河口  
四百六十里南至常州界靖江鎮百五十里西北  
至岑州界論江口水路百五十里東至朱鳶界小  
黃河界五百五十里北至武定江二百五十里太  
平興國中伐交州命蘭州團練使孫全興師三將  
兵由邕州路進師

欽州寧越郡漢合浦縣梁置州唐初置總管府本朝移

卷二十一  
治南賓縣州臨漲海又有如洪咄步如昔三鎮皆  
瀕海與交州密邇置六戍守東至嚴州四百里西  
至灋州五十八里南大海揚帆一日至西南岸即  
交州朝陽鎮西南至陸州七百四十里

砦鋪四

咄步砦 南至州四十五里南即咄步水口入海路至  
交趾朝陽鎮兼陸行拒交趾管下蘇武州玉山砦  
如昔帖浪等洞今已廢



抵掉軍鋪 南即抵掉水口入海至交趾朝陽陸路捍

交州管下蘇武州永安州玉山砦如昔帖浪等四  
洞東至如洪水口西邕州界伏侶洞接交州界

如洪鎮 鎮城舊為砦有戍兵天禧中廢近交趾蘇武  
州界接洪水口入海至交趾朝陽鎮水路端拱中  
交趾戰艦一百艘至鎮掠居民劫廩食而去

如昔軍鋪 本如昔洞地在安遠縣界東北至縣一百  
三十里東至州西邕州界接交趾蘇武州

廉州合浦郡漢所置吳改珠官宗兼置臨瘴郡及越州  
領郡三並治於此時西江督護陳伯紹為刺史始  
立州穿土為城威服徭獠唐置廉州地界控海口  
有瘴江置二砦守之東至白州百二十里西至欽  
州三十里南至大海六十里北至欽州百四十里  
東南西南皆大海東北白州二百六十里

砦二

鹿井砦 在州西南控象鼻涉大水口入海通交州水

路

三村砦 在州東南控寶蛤灣至海口水路東南轉海

至雷州遶角場

海路州西南邊海有譚家水口黃標水口藏涌水口西陽水口大灣水口大停水口並入海之路

雷州海康軍漢屬合浦縣梁置合州後以合肥為合州因加南字唐為雷州控入海水路東至海三十里西至海一百五十里南至海一百七十里北至化

州一百六十里

海路從海州東北陸行二十五里抵譚源泛海入羅場  
接吳州縣從通江水從吳川上水至化州三日程  
自化州下水至海州四日程從州東至海三十里  
渡海抵化州界地名崗州入思廣州通江浙福建  
等路從州東南陸行一百四十五里抵海至諸蕃  
國從州南陸行一百七十四里至遞角場抵南海  
即瓊州對岸泛海一程可至瓊州從州西陸行一

百五十里從海水路至安南諸蕃國從州西北陸行至成月驛兩程至化州吳川縣界舊從廉淥場陸行至廉州六程有海涌共六處水口

容州晉寧郡古越地宋南留郡唐平蕭銑置銅州尋改容州置經略軍使兵千人鬼門關距州南五十里交趾海路由此本朝為寧遠軍節度管一路九州兵甲賊盜東至滕州九十九里南至儀州五十八里

瓊州瓊山郡海中之州也其地方千里編戶洎黎人所  
居漢武帝置朱崖儋耳二郡盡其境元帝納賈捐  
之議棄之唐憲宗朝瓊管六州六十二洞歸順復  
置刺史治之今知州兼瓊管一路轉運使及兵甲  
盜賊東至海一百二十里西北至儋州一百八十  
里南至萬安州界七日程北至海一十里

黎洞雜瓊管舊地在大海南北對雷州岸泛海舟至其  
地有黎母山黎人居焉今澹崖萬安皆以黎為境


其服屬州縣者為熟黎其居山洞無行徑者為生黎亦時於郡人互市焉

論曰蠻夷諸種惟其內屬之國則皆列為郡縣有酋長頗同齊人其餘類無君長隨溪谷群處有採捕而無賦役則曰莫徭錯居山谷間者則曰夷人獠人黎人瀕海而居者則曰蜑戶其名不可勝紀皆依帖崑險居篁竹之間鑿山谷種火雜射獵為食然天性喜寇盜稍窮則相攻奪甚則至侵犯邊民祥符中萬安州言黎洞人互

相殺仇巡檢使臣深入誅捕王卒有戰傷者真宗曰朕累有宣諭蠻夷相攻止令和斷不得擅發兵甲致其不寧當令禁止之蓋聖主之愛民也不以不居之地不教之俗反勞敝中國之衆也是以前代遇四夷率羈縻而不屬其反覆者備之而已不討其罪其侵軼者驅之而已不報其怨先帝戒吏正謂此焉苟謹守勿生事則邊患亦鮮矣凡湖湘夔峽三路邊州義軍土丁三萬九百八十人以守諸砦命土人總領以代王師之戍者不給



賦役不資饋餉習其風土故罕嬰瘴毒知其溪谷故可  
制狡獪仍置都指揮使軍將指揮使副指揮使兵馬使  
都頭副都頭以下戎級以部勒之有分番代更之制有  
叙功遷補之列施之裔夷正得禦策其廣南及戎瀘雅  
三路不置故不書



武經總要前集卷二十